

水經注卷十

漢 桑欽撰

後魏酈道元注

濁漳水 并州入河 清漳水 并州入河

濁漳水出上黨長子縣西發鳩山之漳水焉

出鹿谷與發鳩連麓而在南淮南子謂之發苞山故異名互見也左則陽泉水注之右則散蓋水入焉三源同出一山但以南北為別耳

東過其縣南

水經注

卷十

濁漳

又東堯水自西山東北流逕堯廟北又東逕長子

縣故城南周史辛甲所封邑也

劉向別錄云辛甲事紂七十五諫而

不聽去之周文王以為公卿封之長子漢志注云長讀作長短之長

春秋襄公十八

年晉人執衛行人石買於長子即是縣也秦置上

黨郡治此也其水東北流入漳水漳水東會于梁


水梁水出南梁山北流至長子縣故城南竹書紀

年曰梁惠成王十二年鄭取屯留尚子沮

一作沮疑作則

尚子即長子之異名也梁水又北入漳水

屈從縣東北流注





陶水南出南陶北流至長子城東西轉逕其城北東注于漳水

又東過壺關縣北

漳水東逕屯留縣南又屈逕其城東東北流有絳水注之絳水西出穀遠縣東發鳩之谷謂之絳水

西出穀遠縣為濫水也宋本作也東逕屯留縣故城南

故留乎國也潞氏之屬春秋襄公十八年晉人執

孫蒯於純左傳注純音屯留是也其水東北流入于漳故

桑欽云絳水逕屯留西南東入漳漳水又東陳水

水經注 卷十

注之水出西發鳩山東逕余吾縣故城南漢光武

建武六年封景丹疑作子尚尚子為侯國陳水又東逕屯留

縣故城北竹書紀年梁惠成王元年韓共侯趙成

侯遷晉桓公于屯留史記趙肅侯奪晉君端氏而

徙居之此矣其水又東流注于漳故許慎曰水出

發鳩山入關從水章聲也漳水逕壺關縣故城西

又屈逕其城北故黎國也有黎亭縣有壺口關故

曰壺關也后元年立孝惠後宮子武為侯國漢

有壺關三老公乘輿上書訟衛太子即邑人也縣



在屯留東不得先壺關而後屯留也漳水歷鹿臺山與鞮水合水出銅鞮縣西北石磴山東流與專池水合出八持山當作八特潘尼西道賦云羊羹八特成臯黃馬是也東北流入銅鞮水銅鞮水又東南逕女諫水西北好松山東南流北則葦池水與公主水合而右注之南則榆交水與皇后水合而左入焉亂流東南注于銅鞮銅鞮水東逕李熹墓前有碑碑石破碎故李氏以太和元年立之其水又東逕故城北城在山阜之上下臨岫壑東西北三面岨袤二里世謂之

水經注

卷十

斷梁城卽故縣之上虜亭也銅鞮水又東逕銅鞮縣故城北城在水南山中晉大夫羊舌赤銅鞮伯華之邑也漢高祖破韓王信於此縣也銅鞮水又

東南流逕項

一作項

城西卽縣之下虜聚也地理志

曰縣有上虜亭下虜聚者也

後魏地形志長子有應城傾城幸城而前

漢地志銅鞮縣有上虜亭下虜聚則後魏之傾城卽漢之銅鞮也

銅鞮又南逕胡

邑西又東屈逕其城南又東逕襄垣縣入于漳漳水又東北流逕襄垣縣故城南王莽之上黨亭

又東北過屯留縣潞縣北

宋本無屯留縣三字按屯留與潞縣俱屬上黨郡



縣故赤翟潞子國也其相豐舒有雋才而不以茂  
德晉伯宗數其五罪使荀林父滅之闕駟曰有潞  
水爲冀州浸卽漳水也余按燕書王猛與慕容評  
相遇於潞川也十六國春秋慕容評者不實鄆固山泉鬻水與軍入潞匹水二  
石佗大川石佗大川可以爲浸所有巨浪長湍唯漳水耳故  
世人亦謂濁漳爲潞水矣縣北對故壁臺漳水逕  
其南本潞子所立也世名之爲臺壁也慕容垂伐  
慕容永於長子軍次潞川永率精兵拒戰阻河自  
固垂陣壁臺一戰破之卽是處也漳水於是左右

水經注

卷十

黃須水口水出壁臺西張諱巖下世傳巖赤則土  
離宋本兵害故惡其變化無常恒以石粉汗之令

白是以俗目之爲張諱巖其水南流逕臺壁西又

南入于漳漳水又東北歷望夫山山之南有石人  
竝於山上狀有懷於雲表因以名焉有洹水西出

覆甌山而東流與西湯溪水合出涅縣西山湯谷  
五泉俱會謂之五會之泉交東南流謂之西湯水

又東南流注涅水又東逕涅氏縣故城南縣氏涅  
水也東與白雞水出縣之西山東逕其縣北東南

譚云觸犯忌  
諱無情之物  
亦不容於世  
哀哉  
朱云妙不在  
多只此有懷  
一字形容  
大意殊蘊藉



流入涅水。涅水又東南與武鄉水會焉。水源出武  
山西南。逕武鄉縣故城西而南出得清谷口。水源  
出東北長山清谷西南與鞞鞞白壁二水合。南入  
武鄉水。又南得黃水口。黃水三源同注一壑。東南  
流與隱室水合。水流西北出隱室山東南注潢水。  
李二云疑又東入武鄉水。武鄉水又東南注于涅水。  
作涅水涅水又東南流注于漳水。漳水又東逕礪陽城北  
倉石水入焉。水出林慮縣之倉石溪。東北逕魯班  
門西闕。昂藏石壁霞舉。左右結石修防。崇基仍存。

水經注

卷十

北逕偏橋東。卽林慮之嶠嶺抱犢固也。石磴西陞  
陟踵修。上五里餘。嶠路中斷四五丈中。以木爲偏

橋。劣得道。宋本作通行亦言故有偏橋之名矣。自上猶

須攀蘿捫葛。方乃自津山頂。卽庚眩墜處也。庚眩未詳  
或當是緩眩之譌也。倉石溪水又北合白水溪。溪

水出壺關縣東。白水川東逕百畝城。北蓋同仇池。  
百頃之稱矣。後漢書云白馬氏勇戇。抵骨貪貨。死

斗絕仇池。記云仇池百頃。周回九千四十步。天  
形四方。壁立千仞。凡二十一道。可攀緣而上。又

東逕林慮縣之石門谷。又注于蒼溪水。蒼溪水又



北逕礪陽城東而北流注于漳水漳水又東逕葛公亭北而東去矣

又東過武安縣

漳水逕於縣東清水自涉縣東南來注流之世謂決入之所謂交漳口也

又東出山過鄴縣西

漳水又東逕三戶峽為三戶津張晏曰三戶地名也在梁期西南孟康曰津峽名也在鄴西四十里

又東汗宋本作沂水注之水出武安縣山東南流逕于

水經注

卷十

六

城北昔項羽與蒲將軍英布濟自三戶破章邯于是水汗水東注于漳水漳水又東逕武城南世謂之梁期城梁期在鄴北俗亦謂之兩期城皆為非也司馬彪郡國志曰鄴縣有武城武城即期城矣漳水又東北逕西門豹祠前祠東側有碑隱起為字祠堂東頭石柱勒銘曰趙建武中所修也魏文帝述征賦曰羨西門之嘉迹忽遙睇其靈宇漳水右與枝水合其水上承漳水於邯會西而東別與邯水合水發源邯山東北逕邯會縣故城西北注

又北漢書皆作河水

河城以通



通云水可以  
灌鄴可以灌  
利害相次  
可觀可法

漳水故曰邯鄲也張晏曰漳水之別自城西南與邯山之水會今城旁猶有溝渠存焉漢武帝元朔二年封趙敬肅王子劉仁為侯國其水又東北入于漳昔魏文侯以西門豹為鄴令也引漳以溉鄴民賴其用其後至魏襄王以史起為鄴令又堰漳水以灌鄴田咸成沃壤百姓歌之魏武王又竭漳水迺流東注號天井堰里中作十二堰堰相去三百步令互相灌注一源分為十二流皆懸水門陸氏鄴中記云水所溉之處名曰晏陂澤故左思之

水經注

卷十

七

賦魏都也謂澄流十二同源異口者也魏武之攻鄴也引漳水以圍之獻帝春秋曰司空鄴城圍周四十里初淺而狹如或可越審配不出爭利望而笑之司空一夜增修廣深二丈引漳水以注之遂拔鄴本齊桓公所置也故管子曰築五鹿中牟鄴以衛諸夏也後屬晉魏文侯七年始封地宋本作始封此故曰魏也漢高帝十二年置魏郡治鄴縣土

莽更名魏城後分魏郡置東西部都尉故曰三魏魏武又以郡國之舊引漳流自城西東入逕銅雀



譚云城之爲  
泉虛活作爲  
之便孰實凡  
近矣明眼人  
當辨之

臺下伏流入城東注謂之長明溝也渠水又南逕  
止車門下魏武封於鄴爲北宮宮有文昌殿溝水

南北夾道枝流引灌所在通漑東出石竇下注之

湟水故魏武登臺賦曰引長明灌街里謂此渠也

石氏於文昌故殿處造東西太武二殿於濟北殿

當作城之山採文石爲基一基下五百武直宿衛

屈柱跌瓦悉鑄銅爲之金漆圖飾焉又徙長安洛

陽銅人置諸宮前以華國也城之西北有三臺皆

囚城之爲基當作城巍然崇舉其高若山建安十

水經注

卷十

八

五年魏武所起平坦略盡春秋古地云葵丘地名

今鄴西臺是也謂臺已平或更有見意所未詳其

中曰銅雀臺高十丈有屋百餘間臺成命諸子登

之並使爲賦陳思王下筆成章美捷當時亦魏武

望奉常王叔治之處也昔嚴才與其屬攻掖門修

聞變車馬未至便將官屬步至宮門太祖在銅雀

臺望見之曰彼來者必王叔治也相國鍾繇曰舊

京城有變九卿各居其府卿何來也修曰食其祿

焉避其難居府雖舊非赴難之義時人以爲美談



矣石虎更增二丈立一屋連棟接檐宋本作棟彌覆其上盤迴隔之名曰命子疑又於屋上起五層樓高十五丈去地二十七丈又作銅雀於樓巔舒翼若飛南則金雀臺高八丈有屋一百九間北曰水井臺亦高八丈有屋一百四十間上有冰室室有數井井深十五丈藏冰及石墨焉石墨可書又然之難盡亦謂之石炭又有粟窖及監疑作鹽以備不虞今窖上猶有石銘存焉左思魏都賦曰三臺列峙而崢嶸者也城有七門南曰鳳陽門中曰中陽門

水經注

卷十

九

次曰廣陽門東曰達春一作建春門北曰廣德門次曰

廐門西曰金明門一曰白門鳳陽門三臺洞開高

三十五丈石氏作層觀架其上置銅鳳頭高一丈

六尺東城上石氏立東明觀觀上加金博山謂之

鏘天北城上有齊宋本樓樓超出羣樹孤高特立

其城東西七里南北五里飾表以博百步一樓凡

諸宮殿門臺隅雉皆加觀榭層薨及宇飛檐拂雲

圖以丹青色以輕素此語殊有深慮當其全盛之時去鄴六七十

里遠望若亭巍若仙居魏因漢祚復都洛陽以譙

朱云及字好  
莫作誤讀十  
六國春秋作  
疊字便尋常  
矣  
又云當其全  
盛之時去鄴  
六七十



為先人本國。許昌為漢之所居。長安為西京之遺迹。鄴為王業之本基。故號五都也。今相州刺史及魏郡治漳水自西門豹祠北。逕趙閱馬臺。西基高五丈。列觀其上。石虎每講武於其下。升觀以望之。虎自於臺上放鳴鏑之矢。以為軍騎出入之節矣。漳水又北逕祭陌。西戰國之世俗。巫為河伯取婦。祭於此陌。魏文侯時。西門豹為鄴令。約諸三老曰。為河伯娶婦。幸來告知。吾欲送女。皆曰諾。至時。三老廷掾。賦歛百姓。取錢百萬。巫覡行里中。有好女

水經注

卷十

者。覡當為河伯婦。

史記作是

以錢三萬聘女。沐浴脂

粉如嫁狀。豹往會之。三老巫掾與民咸集。赴觀。巫

嫗年七十。從十女弟子。豹呼婦視之。以為非妙。令

坐。嫗入報河伯。投巫於河。中有頃曰。何久也。又令

三弟子及三老入。白並投於河。豹聲當作折曰。三

老不來。奈何。復欲使巫。豫豪長趣之。皆叩頭流血。

乞不為。河伯取婦。淫祀雖斷。地留祭陌之稱焉。又

慕容儁投石虎尸處也。田融以為紫陌也。趙建武

十一年。造紫陌浮橋於水上。為佛圖澄先造生墓。

譚云引改覡  
字又增巫覡  
一掃靈毒  
譚云妙用妙  
用巫歛財殺  
女已多投之  
又為慘



於紫陌建武十五年卒十二月葬焉卽此處也漳水又對趙氏臨漳宮宮在桑梓苑多桑木故苑有其名三月三日及始蠶之月虎帥皇后及夫人採桑於此今地有遺桑塘無尺雉矣漳水又北溢水入焉漳水又東逕梁期城南地理風俗記曰鄴北五十里有梁期城故縣也漢武帝元鼎五年封任破胡爲侯國晉惠帝永興元年驃騎王浚遣烏丸渴末逕至梁期候騎到鄴成都王穎遣將軍石超討末爲末所敗於此又逕平陽城北竹書紀年曰

水經注

卷十

十一

梁惠成王元年鄴師邯鄲師於平陽者也司馬彪郡國志曰鄴有平陽城卽此地也

又東過列人縣南

漳水又東右逕斥丘縣北卽裴縣故城南王莽更名之曰卽是也地理風俗記曰列人縣西南六十里有卽裴城故縣也漳水又東北逕列人縣故城南王莽更名之爲列治也竹書紀年曰梁惠成王八年惠成王伐邯鄲取列人者也於縣右合白渠故瀆白渠水水出魏郡武安縣欽口山東南流逕



漢書地理志卷之五

魏書地理志卷之五

邯鄲縣南又東與拘潤水合水導源武始東山白  
渠北俗猶謂是水為拘河也白渠水又東又有牛  
首水入焉水出邯鄲縣西堵山東流分為二水洪  
湍雙逝澄映兩川漢景帝時六國悖逆命曲周侯  
酈寄攻趙圍邯鄲相捍七日引牛首拘水灌城城  
壞王自殺其水東入邯鄲城逕溫明尉宋本  
作殿南漢  
世祖擒王郎幸邯鄲晝卧處也其水又東逕叢臺  
南六國時趙王之臺也郡國志曰邯鄲有叢臺故  
劉劭趙都賦曰結雲閣於南宇立叢臺於少陽者

水經注

卷十

也今遺基舊壙尚在其水又東歷邯鄲阜張晏所  
謂邯山在東城下者也曰單盡也城郭從邑故加  
邑邯鄲之名蓋指此以立稱矣故趙郡治也長沙  
耆舊傳稱桓楷為趙郡太守嘗有遺囊粟於路者  
行人掛囊粟於樹莫敢取之即於是處也其水又  
東流出城又合成一川也又東澄而為渚沁水東  
南流宋本  
作流注拘潤水又東入白渠又東故瀆出焉  
一水東為澤渚曲梁縣之雞澤也國語所謂雞丘  
矣東北通登宋本  
作登湖白渠故瀆南出所在枝分右



出卽邯溝也。歷邯溝縣故城東。蓋因溝以名。宋本作氏

縣也。地理風俗記曰：卽裴城西北二十里有邯溝。

城故縣也。又東逕肥鄉縣故城北。竹書紀年曰：梁

惠王宋本作梁八年伐邯鄲取肥者也。晉書地道

記曰：太康中立以隸廣平也。渠道交徑互相纏縻。

與白渠同歸。逕列人右會漳津。今無水。地理志曰

白渠東至列人入漳是也。

又東北過斥漳縣南。

應劭曰：其國斥鹵故曰斥漳。漢獻帝建安十八年

水經注 卷十

十三

魏太祖鑿渠引漳水東入清洹以通河漕。名曰利

漕。渠漳津故瀆水舊斷。溪東北出涓流。濬注而已。

玉篇云：濬莫歷切。淺水也。尚書所謂覃懷底績至于衡漳者也。

孔安國曰：衡橫也。言覃漳水橫流也。又東北逕平

恩縣故城西。應劭曰：縣故館陶之別鄉。漢元帝元

康三年置以封后父許伯爲侯。國王莽更曰延年

也。

又東北過曲周縣東。又東北過鉅鹿縣東。

衡漳故瀆東北逕南曲縣故城西。地理志：廣平有



譚云紐曲作  
直莽人求新

益商以疑是銘  
商也

曲周縣應劭曰平恩縣北四十里有南曲亭故縣也又逕曲周縣故城東地理志曰漢武帝建元四

年置王莽更名直周余按史記大將軍酈商以高

祖六年封曲周縣為侯國又考史記孫云史記二字疑誤同

是知曲周舊縣非始孝武蓋商冀州人在縣市補

履數年人奇其不老求其術而不能得也衡漳又

北逕巨橋祇閣西舊有大梁橫水故有巨橋之稱

昔武王伐紂發巨橋之粟以賑殷之饑民服虔曰

巨橋倉名鉅鹿水之大橋也今臨側水湄左右方

水經注

卷十

十四

一二里中狀若丘墟蓋遺圃故窖處也衡水又北

逕鉅鹿縣故城東應劭曰鹿者林之大者也尚書

曰堯將禪舜納之大麓之野烈風雷雨不迷致之

以昭華之玉而縣取目焉路溫舒縣之東里人父

為里監門使溫舒牧羊澤中取蒲牒用寫書即此

澤也鉅鹿郡治秦始皇二十五年滅趙以為鉅鹿

郡漢景帝中元元年為廣平郡武帝征和三年以

封趙敬肅王子為廣平侯國世祖中興更為鉅鹿

也鄭玄注尚書引地說云大河東北流過絳水千



譚云離騷降字作洪音奔亦有絳洪二音之溷若以絳濫降是亦洪水之懷襄矣  
譚云敵避平音之降仕當避及音之降地水假合牛馬隨呼將寔定之  
譚云淇字或因洪音而并溷形耶

里至大陸為地腹如志之言大陸在鉅鹿地理志曰水在安平信都鉅鹿與信都相去不容此數也水土之名變易世失其處見降水則以為絳水故依而廢讀或作絳字非也今河內北共山淇水共水出焉東至魏郡黎陽入河近所謂降水也降讀當如城降于齊師之降蓋周時國於地者惡言降故改之共耳又今河所從去大陸遠矣館陶北屯氏河其故道與余按鄭玄據尚書有東過洛汭至于大伾北過降水至于大陸推次言之故以淇水

水經注

卷十

為降水其城為降城所未詳也稽之羣書共縣故本共和之故國是有其名不惡降而更稱禹著山經淇出沮洳淇澳衛詩列目又遠當非改絳革為今號但是水導源共出宋本北玄欲因成降議故以淇水為降水耳即如玄引地說黎陽鉅鹿非于里之逕直信都於大陸者也唯屯氏北出館陶事近之矣按地理志云絳水發源屯留下亂章津是乃與章俱得通稱故水流間闕所在著目信都復見絳名而東入于海尋其川脉無他殊瀆而衡漳



漳水又關  
亭之先事矣

舊道與屯相亂，乃書有過降之地，說與千里之誌  
卽之途致，與書相鄰，河之過降，當應此矣。下至大  
陸，不異經說，自甯迄于鉅鹿，出于東北，皆爲大陸。  
語之纏絡，厥勢眇矣。九河旣播，八牧代絕，遺迹故  
稱，往往時存，故鬲般列於東北，徒駭瀆聯漳絳，同  
逆之狀粗分，陂障之會猶在。案經考瀆，自安故目  
矣。漳水又歷經縣故城西，水有故津，謂之薄落津。  
昔袁本初還自易京，上巳屆此，率其賓從，襪飲於  
斯津矣。衡漳又逕沙丘臺東，紂所成也。在鉅鹿故

水經注

入卷十

十六

城東北七十里。趙武靈王與秦始皇並死於此矣。  
又逕銅馬祠東。漢光武廟，更始三年秋，光武追銅  
馬於館陶，大破之，遂降之。賊不自安，世祖令其歸  
營，乃輕騎行其壘，賊乃相謂曰：蕭王推赤心，置人  
腹中，安得不投死乎？遂將降人，分配諸將，衆數十  
萬人。故關西號世祖曰銅馬帝也。祠取名焉。廟側  
有碑，述河內修武縣張導，字景明，以建和三年爲  
鉅鹿太守，漳津汎濫，土不稼穡，導披按地圖，與丞  
彭參掾馬道嵩等，原其逆順，揆其表裏，修防排通。



以正水路功績有成民用嘉賴題云漳河神壇碑  
而俗老者儒猶謂斯廟為銅馬劉神寺是碑項因  
震裂餘半不可復識矣又逕南宮縣故城西漢惠  
帝元年以封張越人子買為侯國王莽之序中也  
其水與隅醴通為衡津又有長蘆浮水之名絳水  
之稱矣今漳水既斷絳水非復纏絡矣又北絳瀆  
出焉今無水故瀆東南逕九門城南又東南逕南  
宮城北又東南逕繚城縣故城北十三州志曰經  
縣東五十里有繚城故縣也左逕安城南故信都

水經注

卷十

十七

之安城鄉也更始二年和城太守邳彤與上會信  
都南安城鄉上大悅即此處也故瀆又東北逕辟  
陽亭漢高帝六年封審食其為侯國王莽之樂信  
也地理風俗記曰廣川西南六十里有辟陽亭故  
縣也絳瀆又北逕信都城東散入澤渚西至于信  
都城東連于廣川縣之張甲故瀆同歸于海故地  
理志曰禹貢絳水在信都東入于海也

又北過堂陽縣西

衛水自堰分為二水其一水北出逕縣故城西世



祖自信都以四千人先攻堂陽降水者也水上有  
梁謂之旅津渡商旅所濟故也其右水東北注出  
石門門石崩褫餘基殆在謂之長蘆水蓋變引葭  
之名也長蘆水東逕堂陽縣故城南應劭曰縣在  
堂水之陽穀梁傳曰水北爲陽也今於故縣城南  
更無別水唯是水東出可以當之斯水蓋包堂水  
之兼稱矣長蘆水又東逕九門坡宋本作坡一作城故縣  
也又東逕扶都縣故城南世祖建武三十年封寇  
恂子楫爲侯國又東屈北逕信都縣故城西信都

水經注

卷十

十八

郡治也漢高帝六年置景帝二年爲廣川惠王越  
國王莽更爲新博舊本作傳下同縣曰新博亭光武自薊

至信都是也明帝永平十五年更名樂成安帝延  
光中改曰安平城內有漢冀州從事安平趙徵碑  
又有魏冀州刺史陳留丁紹碑青龍三年立城南  
有獻帝南逕碑其水側城北注又北逕安陽城東  
又北逕武陽城東十三州志曰扶柳縣東北有武  
陽城故縣也又北爲博廣池池多名蟹佳蝦歲貢  
王朝以克膳府又北逕下博縣故城東而北流注



于衡水也。

又東北過扶柳縣北。又東北過信都縣西。

扶柳縣故城在信都城西。衡水逕其西。縣有扶澤澤中多柳。故曰扶柳也。衡水又北逕昌成縣故城西。地理志曰信都有昌城縣。漢武帝以封城陽項王子劉差爲侯國。闕駟曰昌城本名阜成矣。應劭曰堂陽縣北三十里有昌城。故縣也。世祖之下堂陽昌城人劉植率宗親子弟據邑以奉世祖是也。又逕西梁縣故城東。地理風俗記曰扶柳縣西北

水經注

卷十

十九

五十里有梁城故縣也。世以爲五梁城。蓋字狀致謬耳。衡漳又東北逕桃縣故城北。漢高祖十二年封劉襄爲侯國。王莽改之曰桓分也。合斯浚故瀆斯浚水首受大白渠。大白渠首受綿蔓水。綿蔓水上承桃水。水出樂平郡之上艾縣。東流世謂之曰桃水。東逕靖陽亭南。故關城也。及北流至宋本作井作涇。關下注澤發水。亂流東北逕常山蒲吾縣西。而桃水出焉。南逕蒲吾縣故城西。又東南流逕桑中縣故城北。世謂之石勒城。蓋趙氏增成之。故擅其



目又謂之高功城也地理志曰侯國也桃水又東南流逕綿蔓縣故城北王莽之綿延也世祖建武二年封郭况爲侯國自下通謂之綿蔓水綿蔓水又東流逕樂陽縣故城西右合井陘山水水出井陘山世謂之鹿泉水也東北流屈逕陳餘壘而俗謂之故壁城昔在楚漢韓信東入餘拒之於此不納左車之計悉衆西戰信遣奇兵自間道出立幟於其壘師奔失據遂死泝上其水又屈逕其壘南又南逕城西東注綿蔓水綿蔓水又屈從城南俗

水經注

卷十

二十

名曰臨清城非也地理志曰侯國矣王莽更之曰申苗者也東觀漢書曰光武使鄧禹發房子兵二

千人以鈔期爲偏將軍別攻真定宋子餘賊援樂

陽稟肥壘者也

崑按漢書光武自薊至信都使禹發奔命得數千人令自將之別攻

拔樂陽則援字亦誤當作拔

綿蔓水又東逕烏子堰枝津出焉

又東謂之大白渠地理志所謂首受綿蔓水者也

白渠水又東南逕開縣故城北地理志曰常山之

屬縣也又東爲成郎河水上有大梁謂之成郎橋

又東逕耿鄉南世祖封前將軍耿純爲侯國世謂



之宜安城又東逕宋子縣故城北又謂之宋子河

漢高帝八年封許渙為侯國王莽更名宜子昔漸

離擊筑傳工自此入秦

史記高漸離擊筑而歌宋子傳客之聞于秦始皇帝

又東逕敬武縣故城北按地理志曰鉅鹿之屬縣

也漢元帝封女敬武公主為湯沐邑闕駟十三州

記曰楊氏縣北四十里有武亭故縣也今其城實

中小邑耳故俗名之曰敬武壘即古邑也白渠又

東謂之斯浚水地理志曰大白渠東至曲陽入浚

河者也東分為二水枝津右出焉東南流謂之百

水經注

入卷十

尺溝又東南逕和城北世謂之初丘城非也漢高

帝十一年封郎中公孫耳為侯國又東南逕育城

西漢高帝六年封呂博為侯國

按史記年表有貫侯呂漢表貫侯合

傳功封同此云呂博互異未詳地志鉅鹿有貫縣無育縣

百尺溝東南散流逕

歷鄉東而南入泚湖東注衡水也斯浚水自枝津

東逕育城北又東積而為陂謂之陽縻淵淵水左

納白渠枝水俗謂之祗水

疑作泚水

水承白渠於藁縣

之烏子堰又東逕肥藁縣之故城南又東逕陳臺

南臺甚寬廣今上陽臺屯居之又東逕新豐城北

漢表作合傳胡字  
合傳姓胡字名也  
北表注徐廣曰言一



按地理志云鉅鹿有新市縣侯國也王莽更之曰樂市而無新豐之目所未詳矣其水又東逕昔陽城南世謂之曰直陽城非也本鼓聚矣春秋左傳昭公十五年晉荀吳帥師伐鮮虞圍鼓三月鼓人請降穆子曰猶有食色不許軍吏曰獲城而弗取勤民而頓兵何以事君穆子曰獲一邑而教民怠將焉用邑邑以賈怠不如完舊賈怠無卒棄舊不祥鼓人能事其君我亦能事吾君率義不爽好惡不愆城可獲而民知義所有死義而無二心不亦

水經注

卷十

二十二

可乎鼓人告食竭力盡而後取之克鼓而返不戮一人以鼓子鳶鞮歸既獻而返之鼓子又叛荀吳略東陽使師僞糴負甲息於門襲而滅之以鼓子鳶鞮歸使涉佗守之者也十三州志曰今其城昔陽亭是矣京相璠曰白狄之別也下曲陽有鼓聚故鼓子國也白渠泚水又東逕曲陽城北又逕安鄉縣故城南地理志曰侯國也又東逕育縣入斯浚水斯浚水又東逕西梁城南又東北逕樂信縣故城南地理志曰鉅鹿屬縣侯國也又東入衡水



衡水又北為袁譚渡蓋譚自鄴往還所由故濟得厥名

又東北過下博縣之西

衡水又北逕鄆縣故城東竹書紀年梁惠成王三十年秦封衛鞅于鄆改名曰商即此是也故王莽改曰秦聚也地理風俗記曰縣北有鄆阜蓋縣氏之又右逕下博縣故城西王莽改曰閏舊本作潤博應劭曰太山有博故此加下漢光武自呼池一作南出至此失道不知所以遇白衣老父曰信都為長

水經注

卷十

二十三

安守去此八十里世祖赴之任光開門納焉漢氏中興始基之矣疑作老父尋求父老不得議者以為神衡漳又東北歷下博城西逶迤東北注謂之九筭西逕樂鄉縣故城南王莽更之曰樂丘也又東列葭水注也

又東北過阜城縣北又東北至昌亭與霽池河會霽池

一作霽池注與後皆同

經叙阜城於下博之下昌亭之上考地非比於事為同勃海阜城又在東昌之東故知非也漳水又



東北逕武邑郡南魏所置也又東逕武強縣北又東北逕武隧縣故城南按史記秦破趙將扈輒於武隧斬首十萬卽於此處也王莽更名桓隧矣白馬河注之水上承霧池東逕樂鄉縣北饒陽縣南又東南逕武邑郡北而東入衡水謂之交津曰漳又東逕武邑縣故城北王莽之順桓也晉武帝封子於縣以爲王國後分武邑武隧觀津爲武邑郡治此衡漳又東北右合張平口故溝上承武強淵淵之西南之側水有武強縣故治故淵得其名

水經注

卷十

二十四

焉東觀漢記曰光武拜王梁爲大司空以爲侯國者宿云邑人有行於途者見一小蛇疑其有靈持而養之名曰擔生長而吞噬人里中患之遂捕繫獄擔生負而奔邑淪爲湖縣長及吏咸爲魚矣今縣治東北半許宋本作半里許落水淵水又東南結而爲湖又謂之郎君淵者宿又言縣淪之日其子東奔又陷於此故淵得郎君之目矣淵水北通謂之石虎口又東北爲張平澤澤水所泛北決堤口謂之張平溝北注衡河謂之張平口亦曰張平溝水溢



然別有所據可采  
本所增

謂云水似人  
帝

溝水溢三字古本宋本俱無今吳本增之則南注水耗則輟流衡漳又

逕東昌縣故城北經所謂昌亭也王莽之田昌也

俗名之東相蓋相昌聲韻合故致茲誤矣西有昌

城故目是城為東昌矣衡漳又東北左會雩池故

瀆謂之合口衡漳又東北分為二川當其水決謝云

舊本作決吳本作泆水蕩泆也處名之曰李聰渙

又東北至樂成陵縣別出北

衡漳於縣無別出之瀆縣北者乃雩池別水分雩

池故瀆之所纏絡也衡漳又東分為二水左出為

水經注

入卷十

二十五

向氏口溝水自始宋本作此決水也衡漳又東逕弓高

縣故城北漢高帝封韓信兄子韓賁當為侯國王

莽之樂成亭也衡漳又東北右合柏梁澁水上承

李聰渙東北為柏梁澁東逕扶領縣故城南漢武

帝元朔三年封廣川王子劉嘉為侯國按史記劉嘉封蒲領

侯地理風俗記云修縣西北八十里有蒲領鄉故

縣也又東北會桑社宋本作社枝津又東北逕弓高城

北又東注衡漳謂之柏梁口衡漳又東北右會桑

社溝溝上承從陂世稱盧達從薄亦謂之訶摩河

謂云蒲扶音  
趙水知孰是



譚云若只言  
釣隱亦寡致  
語有以多爲  
貴者此類是  
也

此循守二循字傳  
寫之誤字志循處  
循都司下司

朱云子午漲  
朝夕潮天地  
間有此種至  
理奇事不可  
盡曉

東南通清河西北達衡水春秋雨泛漳澤津渚今  
觀津城北方二十里盡爲澤藪蓋水所鍾也其瀆  
逕觀津縣故城北樂毅自燕降趙封之於此邑號  
望諸君王莽之朔定亭也又南屈東逕竇氏青山  
南側隄東出青山卽漢文帝竇后父少翁冢也卽  
是縣人遭秦之亂魚釣隱身墜淵而死景帝立后  
遣使者填以葬父起大墳於觀津城東南故名舊本  
作民號曰青山也又東逕董仲舒廟南仲舒廣川人  
也世猶謂之董府君祠春秋禱祭不輟舊溝又東

水經注

卷十

二十六

逕修市縣故城北漢宣帝本始四年封清河綱王  
子劉寅爲侯國王莽更之曰居寧也俗謂之溫城  
非也地理風俗記曰循縣西北二十里有修市城  
故縣也又東會從陂陂水南北十里東西六十步  
子午潭漲淵而不流亦謂之桑社淵從陂南出夾  
堤東派逕循縣故城北東合清漳漳泛則北注澤  
盛則南播津流上下互相逕道從陂北出東北分  
爲二川北逕弓高城西而北注柏梁澹一川東逕  
弓高城南又東北陽津溝宋本水出焉左瀆北入



衡漳謂之陽決口。衡水東逕阜城縣故城北。樂成縣故城南。河間郡治。地理志曰：故趙也。漢文帝別爲國，應劭曰：在兩河之間也。景帝九年，封子德爲河間王，是爲獻王。王莽更名郡曰朔定縣，曰陸信。褚先生曰：漢宣帝地節三年，封大將軍霍光兒子山爲侯國也。疑作亭漢宣帝封子開於此。漢桓帝追尊祖父孝王，開爲孝穆王，以其邑奉山陵，故加陵曰樂陵也。今城中有故池，方八十步，舊引衡水北入城。注池池北對層臺，基墜荒蕪，示存古意也。

水經注

卷十

二十七

又東北過成平縣南

吳本增下三字

合清河

衡津又東逕建成縣故城南。按地理志：故屬勃海郡。褚先生曰：漢昭帝元鳳三年，封丞相黃霸爲侯國也。成平縣故城在北。漢武帝元朔三年，封河間獻王子劉禮爲侯國。王莽之澤亭也。城南北相直。衡漳又東，右會楊津溝水。自澤水東逕阜城南，地理志：勃海有阜城縣。王莽更名吾城者，非經所謂阜成也。建武十五年，世祖更封大司馬王梁爲侯國。陽津溝水又東北逕建成縣左，入衡水，謂之陽



津口。衡漳又東。左會零池。別河故瀆。又東北入清河。謂之合口。又逕南皮縣之北。皮亭而東北。逕浮陽縣。西東北注之。

又東北過章武縣西。又東北過平舒縣南。東入海。

清漳自章武縣故城西。故濊邑也。枝瀆出焉。謂之

濊水。東北逕參后亭。分爲二瀆。應劭曰。平舒縣西

南五十里。有參后亭。故縣也。世謂之平虜城。枝水

又東注。謂之蔡伏溝。又東積而爲淀。一水逕亭北

又逕東平舒縣故城南。代郡有平舒城。故加東地

水經注 卷十 二十八

理志曰。勃海之屬縣也。魏土地記曰。章武郡治。故

世以爲章武故城。非也。又東北分爲二水。一水右

出爲濊。一水北注呼池。一作濊池謂之濊口。清漳亂流

而東。注于海。

清漳水出上黨沾縣西北。少山大。鼃谷南。過縣西。又

從縣南屈。

淮南子曰。清漳出揭戾山。高誘云。山在沾縣。今清

漳出沾縣故城東北。俗謂之漳山。漢分沾縣爲樂

平郡。治沾縣。水出樂平郡沾縣界。故晉太康地記



曰樂平縣舊名清漳縣漢之故矣宋本其山亦曰

鹿谷山水出大要谷南流逕沾縣故城東不歷其

西也又南逕昔陽城左傳昭公十二年晉荀吳偽

會齊師者假道於鮮虞遂入昔陽杜預曰樂平沾

縣東有昔陽城者是也其水又南得梁榆水口水

出梁榆城西大嶷山水有二源北水東南流逕其

城東南注南水南水亦出西山東逕文當城北又

東北逕梁榆城南即闕與故城也秦伐韓闕與惠

文王使趙奢敵宋本作救之奢納許歷之說破秦

水經注

卷十

二十九

於闕與謂此也司馬彪袁松郡國志並言涅縣有

闕與聚盧譙志艱賦曰訪梁榆之虛郭宋本弔闕

與之舊平桓亦云埠按桓字誤似是闕與今梁榆

城是也漢高帝八年封馮解散宋本為闕氏侯國

其水右合北水北水又東南入于清漳清漳又東

南與轅水相得轅水出轅河縣西北轅山南流逕

轅河縣故城西南東流至粟城注于清漳也

東過沙縣西屈從縣南

按地理志云魏郡之屬縣也漳水於此有涉之稱

任云大龜注作要吳  
才南云古文要作要  
与龜相近而湯

清書作馮解散又  
記作馮解散



詳名因地變之確證  
考為沙矣

名因地變也

東至武安縣南黍窰邑入于濁漳

此下疑脫注  
宋本亦無

八月十九日閱

水經注

卷十

三十一